

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaateqarpunga:

- 1. Kujataani umiatsiaararsorlutik inuussutissarsiuteqartunut atortorissaarutininik pisinisamat, assersuutigalugu amoorutininik piniarnissamat immikkut aaqqissuuisisoqarniarpa?**
- 2. Iliuseqarnissamik pilersaaruteqartoqarsimassappat, qaqugu atuutilissava? Pilersaaruteqartoqanngippat, taava sooq avannaani atuuttut kujataani atuutinneqas-sanngillat?**
- 3. Nunatsinni umiatsiaararsorlutik inuussutissarsiuteqartut pitsaanerusementik atugaqarnissaanik Naalakkersuisut iliuuseqarniarlutik qanoq pilersaaruteqarpap?**
(Inatsisartuni ilaasrotaq Suka K. Frederiksen; Siumut)

Tunngavilersuut:

Kujataani angalaninni paasinarsivoq maanna aalisarnermik piniarnermillu inuuniutillit arlaqaqisut qaleralinniarnermut saassimasut, taamaattoq umiatsiaararsortunik tusarlerneqarpunga amoorutininik piniarnissaminut qinnuteqartarsimagaluarlutik akuerineqarneq ajorsimasullutik.

Naalakkersuisoqarfimmut ingerlatitsisoqartarsimagaluarpoq taamaattorli periarfissaqartinneqarsimanngillat arlaatigut ingerlariaqqinnissaanut.

Ilisimavarput piffissami sivitsortumik aalisarnermik piniarnermilu inuuniuteqartunut aningaasarsiornikkut annertuumik ilungersunartorsiorfiummat. Akiligassat unigatik ingerlapput, pinngortitaq nammineq killilersuinerata saniatigut piniarnermik aalisarnermilu umiatsiaararsorlutik inuuniuteqarniartunut atukkat pitsaasimanngillat. Maanna amoorutininik atortulersuisoqartuuppat aalisarneq eqaanerusementik sukkanerusementillu inuussutissarsiut ineriartorsinnaagaluarpoq minnerunngitsumik ilaqtariit aningaasarsiorniarnerinut pitsanngorsaataassagaluarlutik.

Ilisimatinneqarpunga avannaani RG aqqutigalugu ajornanngitsumik umiatsiaararsortut ”attartorsinnaasartut” taamaasillutik tunisinerminni ”attartugartik” akilersorsinnaasarlugit, naatsorsuutigaara tamanna nuna ataasiusumi tamani atortinneqarsinnaassasoq.

Umiatsiaararsorlutik inuussutissarsiuteqartut siunissami qanoq naatsorsuuteqarsinnaassanersut paasissallugu pingaaruteqarpoq.

Apeqquteqaatima ullut qulit suliffiusut iluanni akineqarnissaat pissasoq kissaatigaara.